



**MINISTRY IN THE PRESIDENCY
REPUBLIC OF SOUTH AFRICA**

Private Bag X860, Pretoria, 0001, Tel: 012 473 0164, Cape Town 8000, Tel: 021 464 2100

2. Lekgotla la Tsamaiso ya Merero ya Moporesitente (PCC)

- 2.1. Moporesitente Ramaphosa o tshwere kopano ya PCC, eo e leng ya ntlha mo Tsamaiso eno ya Borataro, ka Labobedi, 20 Phatwe 2019. Leano la Tiragatso ya Kabo ya Ditirelo le le Ikaegileng ka Ditikologo le reboletswe PCC mme le amogetswe ke Ditonakgolo tsa Diporofense tsotlhe.
- 2.2. Mo kopanong eno go dumelwane gape le ka diporojeke tsa ntlha tsa ditikologo tseo Moporesitente a tla nnang a ntse a di lekola, mme ditikologo tseno di tla akaretsa Tikologo ya OR Tambo kwa Kapa Botlhaba; Tikologo ya Waterberg kwa Limpopo le Tikologo ya Masepala wa Teropokgolo ya Ethekwini kwa KwaZulu-Natal.
- 2.3. Diporojeke tsa ntlha tsa ditikologo tseo di tla nnang di lekolwa di akaretsa tikologo ya metseselegae, tikologo ya meepo mmogo le metseseteropo ya diteropokgolo. Ka fa ditikologo tseno e tla nna tsa ntlha tse re tla simololang ka tsona mo leanong la tiragatso ya kabo ya ditirelo e e ikaegileng ka ditikologo, ditikologo tse dingwe gape di

le 42 le diteropokgolo di le supa le tsona di tla tle di lekolwa ke Moporesitente Ramaphosa le puso e a e eteletseng pele mmogo le baeteledipele ba dipuso tsa diporofense mo tsamaong ya Tsamaiso eno ya Borataro.

- 2.4. Mo kopanong eno go nnile gape le tshedimosetso le dipuisanelo ka ga go lolamisa ditogamaano di le robongwe tsa go Tlhabolola le go Godisa Diporofense le Letlhomesong la puso la Togamaano ya Pakagare (MTSF) 2019 – 2024.